



13 Januari 2017

**KENYATAAN MEDIA**  
Untuk Siaran Segera

**PEMERIKSAAN KENDERAAN PERSENDIRIAN PERCUMA 16-27 JANUARI 2017**  
**PERANCANGAN PULANG KE KAMPUNG HALAMAN TANPA KEBIMBANGAN**

---

**Shah Alam, 13 Januari** – Menjelang sambutan perayaan Tahun Baharu Cina ini PUSPAKOM Sdn Bhd (PUSPAKOM), akan menganjurkan Kempen Pemeriksaan Kenderaan Sukarela atau “Voluntary Vehicle Inspection” (VVI) percuma bagi kenderaan persendirian, dari 16 hingga 27 Januari 2017.

Pemeriksa VVI ini akan dijalankan di semua pusat pemeriksaan PUSPAKOM, kecuali di Shah Alam, Taman Bukit Maluri, Mak Mandin dan Kota Bharu, yang dikhaskan untuk menjalankan pemeriksaan untuk kenderaan perdagangan. Pemeriksaan VVI ini merangkumi 25 peringkat ujian termasuklah pemeriksaan brek, keadaan tayar dan rim, meter, kebocoran minyak kotak gear, kebocoran minyak enjin, kebocoran gas, ekzos dan lampu brek serta lampu hadapan.

“Melalui laporan pemeriksaan VVI yang dikeluarkan oleh PUSPAKOM ini, pemilik kenderaan persendirian dapat mengetahui prestasi kenderaan mereka dan seterusnya boleh membuat pembaikan yang sewajarnya. Ini secara tidak langsung membantu mengurangkan kemungkinan kerosakan kenderaan dan juga kemalangan,” kata Ketua Pegawai Eksekutif PUSPAKOM, Mohammed Shukor Ismail.

“Adalah dijangkakan ramai yang akan pulang ke kampung halaman atau pergi bercuti semasa musim perayaan ini. Oleh itu PUSPAKOM mengambil inisiatif ini untuk membantu pemilik kenderaan persendirian memastikan kenderaan mereka berkeadaan baik yang akan memberi keyakinan ketika memandu. Ini merupakan tanggungjawab sosial kami kepada masyarakat,” sambung Shukor.

Kempen VVI secara percuma ini akan bermula dari jam 8.00 pagi sehingga 5.00 petang setiap hari (mengikut waktu operasi setiap cawangan). Pelanggan VVI akan diberi keutamaan di mana pelanggan boleh terus mengunjungi cawangan kami tanpa perlu menunggu, membuat sebarang temujanji dan tidak memerlukan dokumen.

Sempena kempen ini, PUSPAKOM juga menganjurkan Pertandingan 'Snap & Win' bergambar bersama PUSPAKOM, di mana para pelanggan berpeluang memenangi hadiah-hadiah menarik yang ditawarkan. Para pelanggan hanya perlu menghantar gambar semasa menjalani pemeriksaan VVI melalui "private message" di facebook PUSPAKOM. Sebarang pertanyaan lanjut berhubung pertandingan ini boleh dimajukan ke laman facebook <https://www.facebook.com/puspakomvehicleinspection/>.

Pemenang Hadiah Super Grand Prize akan ditentukan berdasarkan jumlah 'Like' tertinggi. Disamping hadiah dan cenderamata PUSPAKOM, pemenang ini juga akan mendapat khidmat nasihat tentang keselamatan kenderaan daripada PUSPAKOM sewaktu hadiah dihantarkan ke rumah pemenang.

Untuk maklumat lanjut mengenai Kempen Pemeriksaan VVI ini, para pelanggan boleh menghubungi talian bebas tol PUSPAKOM 1-800-88-6927 atau layari laman sesawang PUSPAKOM di [www.puspakom.com.my](http://www.puspakom.com.my)

###

**Jabatan Komunikasi & Khidmat Pelanggan**  
PUSPAKOM Sdn. Bhd.  
03-2052 7465

#### ***Mengenai PUSPAKOM***

*Ditubuhkan pada tahun 1994, PUSPAKOM, anak syarikat milik penuh DRB-HICOM Berhad, merupakan satu-satunya syarikat pemeriksaan kenderaan yang dilantik oleh Kerajaan Malaysia untuk melakukan semua pemeriksaan mandatori terhadap kenderaan awam dan perdagangan, serta kenderaan persendirian untuk tujuan pembiayaan sewa beli, tukar milik dan pendaftaran kenderaan import.*

#### **Gambar pemeriksaan VVI (ujian asap dan ujian brek) dijalankan di PUSPAKOM**





Gambar Pertandingan 'Snap & Win' - Bergambar bersama PUSPAKOM



Pemeriksaan Kenderaan Persendirian Sukarela  
Secara PERCUMA pada 16 - 27 Januari 2017  
sempena Tahun Baru Cina



## “Snap & Win”

### BERGAMBAR BERSAMA PUSPAKOM

1. Like Facebook rasmi PUSPAKOM, hadir untuk menjalani pemeriksaan kenderaan PERCUMA di mana-mana cawangan PUSPAKOM
2. PM kami **gambar, nombor pendaftaran kenderaan berserta kapsyen dan nama cawangan / unit bergerak PUSPAKOM** yang dikunjungi
3. Gambar-gambar yang terpilih akan dipaparkan di **Facebook PUSPAKOM**. Keputusan akan dinilai berdasarkan jumlah “**FB likes**” yang terbanyak dan keputusan tersebut adalah muktamad
4. Tarikh tutup penyertaan **30.01.2017**

**1 x Hadiah Super Grand Prize**  
Kad PLUSMiles Touch 'n go bernilai **RM150** + Cenderamata PUSPAKOM + Pasukan PUSPAKOM sendiri akan menghantarkan hadiah ke rumah Pemenang dan memberi khidmat nasihat tentang keselamatan kenderaan

**10 x Hadiah Utama**  
Kad PLUSMiles Touch 'n go bernilai **RM100** + Cenderamata PUSPAKOM

**20 x Hadiah Saguhati**  
Cenderamata PUSPAKOM

